

SARS E TIISA TABA E MABAPI LE MEHATO YA MOLAO

27 Hlakola 2024 – Khomishenara ya Ditshebeletso tsa Lekgetho tsa Afrika Borwa (SARS), Mong. Edward Kieswetter mona o tiisa hore SARS e nkile mehato ya molao kgahlano le Sasfin Bank, ho latela tsebiso e entsweng ke SENS e ntshitsweng ke Sasfin Holdings Ltd ka la 27 Hlakola 2024.

SARS e bile le diphuputso hodima balefalekgetho ba fapaneng ba Afrika Borwa ba neng ba sa etsa ditsebahatso tsa nnete le tse nepahetseng ho SARS. Diphuputso tsena di bontshitse hore balefalekgetho ba ile ba sebetsa mmoho ho ntsha matlole ka ntle ho naha ka tsela e patehileng e sitisitseng ho salwa morao ha ditefo mme seo se nonyeditse ho fumanwa hape ha lekgetho le kolotuwang Afrika Borwa. Ntlhakemo ya Khomishenara ke hore ha se ntho e lokileng ho bua ka taba e mabapi le hore mojarole ditlhapiso bakeng sa tahlehelo e bileng teng mokotleng wa naha ke ya mang, ka ha ditaba tsena jwale di le pela mokgwatshebetso wa tsa molao mona Afrika Borwa. Ka lebaka la sena, SARS e keke ya ntsha maikutlo afe kapa afe mabapi le sena.

Khomishenara o lakatsa ho tiisa boikitlaetso ba hae ba ho latela mehato ya phethahatso le phumanohape ya makgetho ntle le ho inkela diqeto molemong wa ho tiisa botshepehi ba tsa ditjhelete ba mokgwatshebetso wa lekgetho wa Afrika Borwa. Ho fumana lesedi le fetang lena, ka kopo ikopanye le SARSMedia@sars.gov.za